

**UNTUK SIARAN SEGERA****SIARAN MEDIA****WORLD QURAN HOUR 2025: GEMAKAN AL-QURAN, SATUKAN UMMAH DI KKS**

Batu Caves, 25 Mac 2025 – Sempena hari-hari terakhir Ramadan, lebih 40 orang pelajar bersama pensyarah dan staf Kolej Komuniti Selayang (KKS) telah menyertai Program *World Quran Hour 2025* bagi tahun yang ketujuh yang berlangsung di Perpustakaan KKS anjuran Perpustakaan KKS dengan kerjasama Perpustakaan Daerah Gombak (PPAS) bagi menyemarakkan semangat cintakan Al-Quran dalam kalangan warga kolej.

Program yang berlangsung pada jam 12.00 tengah hari hingga 1.00 petang ini memberi peluang kepada peserta untuk bersama-sama membaca, memahami, dan menghayati Al-Quran dengan Surah Al-Saff dipilih sebagai surah utama, yang menekankan kepentingan kesatuan dalam memperjuangkan kebenaran dan meneguhkan keimanan.

Lebih daripada sekadar bacaan, program ini turut menjadi platform bagi warga KKS untuk memperkukuh ukhuwah dan mengisi bulan Ramadan dengan amalan yang bermakna. Suasana di perpustakaan bertambah syahdu apabila pelajar dan tenaga pengajar membaca ayat-ayat suci secara berjemaah, menzahirkan semangat kebersamaan dan keinsafan dalam mengejar keberkatan Ramadan. Program ini bukan sahaja bertujuan menggalakkan pelajar mendalami Al-Quran, tetapi juga mendidik mereka mengamalkan nilai-nilai murni dalam kehidupan seharian.

Selain bacaan Al-Quran secara berjemaah, program ini turut diadakan secara hybrid yang membolehkan penyertaan secara maya untuk semua warga KKS. Inisiatif ini sedikit sebanyak dapat membentuk generasi pelajar yang lebih dekat dengan Al-Quran, berakhlak mulia, dan bersatu dalam memperkukuh nilai Islam di KKS.

TAMAT

Kolej Komuniti Selayang adalah salah satu institusi pendidikan kerajaan di bawah Kementerian Pendidikan Tinggi yang menyediakan latihan teknikal dan vokasional. Kolej Komuniti Selayang komited dalam menghasilkan graduan yang berdaya saing dan mampu memenuhi kehendak industri semasa serta meningkatkan kemahiran masyarakat setempat.

Untuk maklumat lanjut, sila hubungi:

Cik Nur Izzati binti Ismail

Pegawai Penerangan, Kolej Komuniti Selayang

03-6136 8200 / 011-374 86194

admin@kkselayang.edu.my



Pelajar yang menyertai World Quran Hour 2025



Pelajar membaca bersama-sama Surah Al-Saff sewaktu program berlangsung



Warga KKS Y yang menyertai World Quran Hour 2025 hari ini.

Link Gambar:

https://drive.google.com/drive/folders/1p-ZG9mAvBzW_bubkfexruEAMyeeLJI05?usp=sharing